

*III Edición
Premio Literario*

MANUEL

ORESTES

RODRIGUEZ

LOPEZ




Concello de Paradela
(LUGO)



CONCELLO DE PARADELA

De Narrativa - Poesía



"III EDICIÓN CERTAME LITERARIO MANUEL ORESTES RODRÍGUEZ LÓPEZ
MODALIDADE: NARRATIVA E POESÍA

PRIMEIRA: Establécese un premio de 50.000 pesetas para a obra que resulte seleccionada polo Xurado dentro do apartado de POESÍA e outro de 50.000 pesetas para a obra que resulte seleccionada polo Xurado dentro do apartado de NARRATIVA.

SEGUNDA: Os relatos terán unha extensión máxima de vinte folios, sen mínimo; a obra de poesía terá unha extensión máxima de 100 versos. En ámbolos dous casos escritos a máquina e a dobre espacio. Deberán ser orixinais, inéditos, non premiados en calquer outro tipo de concurso e estar escritos en galego ou en castelán.

TERCEIRA: O prazo de entrega dos relatos e da obra poética rematará o trinta de novembro de mil novecentos noventa e sete. Presentaránse no Rexistro de entrada do Concello de Paradela, por quintuplicado exemplar, sen sinatura e cun lema. Adxuntarase un sobre no que figure o devandito lema e dentro del unha cuartilla co nome, dous apelidos e teléfono do autor, cunha declaración de que o relato ou a obra poética é axustada ás normas contidas na Base segunda. Abriránse somentes os sobres dos traballos premiados. No caso de participar en ámbolos dous apartados; deberase concursar en cada caso por separado, utilizando un lema propio en cada caso e presentando a obra por separado.

CUARTA: O xurado designado polo Excmo. Concello de Paradela emitirá o seu fallo no mes de decembro de mil novecentos noventa e sete e farase público polos medios de comunicación, o Xurado pode deixar deserto o premio nun ou nos dous apartados e a súa decisión será inapelable.

QUINTA: As obras premiadas pasarán a ser propiedade do Excmo. Concello de Paradela, que se reserva o dereito a publicalas.

SEXTA: O autor ou autores premiados convocaranse ó auto de entrega dos premios, que terá lugar en Paradela, o día que se fixe.

SÉTIMA: A resolución de tódalas cuestiós que poidan xurdir ou plantexarse nesta convocatoria, é da exclusiva competencia do Excmo. Concello de Paradela e do Xurado.

MANUEL-ORESTES RODRIGUEZ LOPEZ, poeta, escritor e traductor, naceu en San Miguel de Paradela, Lugo (11/12/1934). Residiu en Barcelona dende os seis anos ata 1987, data na que se afincou na cidade de Lugo, onde faleceu o 13/2/1990.

Fixo estudos de Humanidades e Filosofía no Seminario Diocesano de Barcelona, e de Contabilidade e Lexislación Laboral, traballando como xefe administrativo do departamento de personal nunha industria siderometalúrxica.

Froito das súas actividades literarias, publicou diversos libros nos que firma como Manuel Rodríguez López, permanecendo parte da súa obra inédita. En verso publicou: "**POEMAS POPULARES GALEGOS**" (1968), "**SAUDADE NO BULLEIRO**" (1970), "**SOLDADA MINIMA**" (1979), "**ONTE E HOXE VIVENCIAL**" (1995) e "**A ATLANTIDA**" (1995), traducción ó galego da obra de Jacint Verdaguer. En prosa: "**REENCONTRO COA ALDEA**" (1983), "**GALEGOS EN CATALUNYA 1978-1982**" (1983), "**GALEGOS EN CATALUNYA-2**" (1985), "**VIAJES CON ANXEL FOLE**" (1988), "**FESTA DA VIRXE DAS DORES DE PARADELA 1989**" (1989), libro-programa das festas e "**VOLTA A ESPAÑA A PE**" (1990), traducción ó galego do libro de Manolo Silva.

Ademais, colaborou en diversos libros colectivos e acadou numerosos premios, entre os que destacan os primeiros premios de poesía "**MEIGAS E TRASGOS**" de Sarria nos anos 1976 e 1980, o Premio Xosé M^a Chao Ledo no III Certame Literario de Vilalba, en 1977, e o primeiro premio do Certame Literario de Begonte en 1985. En prosa, conseguiu o primeiro premio "**Nós**" de Barcelona en 1980 cunha peza teatral; tamén mereceron premio diversos contos seus en certames literarios de Sarria e Baracaldo. Nos "**PREMIOS GALICIA DE XORNALISMO**", quedou finalista na sección de "**Reportaxe**" nas convocatorias de 1985 e 1987. Manuel Rodríguez López colaborou asiduamente en medios informativos de Galicia, publicando asimismo gran cantidad de artigos en diversos xornais e revistas de Catalunya e Arxentina. Foi Cronista Oficial do Centro Galego de Barcelona e corresponsal de diversos periódicos galegos na Cidade Condal. Ademais, colaborou en temas de historia lucense, monumentalidade e viaxes en "**Radio Nacional de España**" en A Coruña e "**Radio Popular**" de Lugo.

Xerardo Moscoso, Suso Vaamonde, Alfredo González e M^a Carmen Otero musicaron e cantan varios dos seus poemas en numerosos recitais.

Co gallo do seu pasamento, foi nomeado "**Fillo Predilecto do Concello de Paradela**" e "**Lucense del año**", inaugurándose tamén en 1990 a Casa de Cultura de Paradela co nome de "*Manuel Rodríguez López*".

ODA PARA ANXEL FOLE

Ouvire da palabra anterga recollida
na fraga do Caurel ou nos verdecentes recantos
da Veiguiña. Testemuño
de medos tremebundos do alén
que, na noite inverniza, "á lus do candil",
mistúranse coas sombras estarrecedoras
da cociña terrea.

Ilustre bardo que escribíches
a epopeia inmortal dunha "terra brava"
na que se xunguen en simbiose ancestral
arrepiantes oubeos que entalan o peito,
o ruxir da arroiaada treboenta,
o abafante caldo do mes da sega
e o ricaz agromar da farturenta primavera.

Intérprete varil da voz dun pobo
nobre e sinxelo, merecente
do teu verbo xenial!

Lucencio, Eginaldo de Tor, Magister Gaudiosus,
Basilense, Farruco de Caldas, Vicense,
Lucus, Don Fabulón...

Que ventureira restra de nomes lucídios
-pólas vizosas do lanzal carballo-
no "alter ego" de Fole,
arqueólogo da lingua, señor de Basile,
de Romeán e de Córneas, de Quiroga e de Arcos!

Inspirado poeta de harmonías musicais
que deitan do mais íntimo
do teu ser xeneroso e puro
como as augas da verde serra.

Enxebre narrador de "historias que ninguén cre"
adubidadas no cruxol do misterio,
e de "contos da néboa" da Galicia eterna
que levas cravuñada no teu peito nobre!


Anxel Fole dador de vida, alma e sangue
a tres xeneracións que viven no "cartafolio de Lugo".
Sigue, mestre, a falarmos de etimoloxías,
do primeiro cinema, do Papaovos,
do aviador Garnier, de Xan de Forcados,
do primeiro teléfono,
dos poemas de "Yunque"
e non esquezas, si señor, o "pauto do demo"
que, xa sabes, na nosa terra ó demo.
polo si ou polo non.
hai que prenderelle o cabo dunha vela!

Manuel Rodríguez López

(3º Premio -Mención Honorífica- "**MEIGAS E TRASGOS**" de Sarria, 1984)
Publicada en "**VIAJES CON ANXEL FOLE**", De. Do Castro, 1988.

CONCELLO DE PARADELA

CERTAME DE POESIA E NARRATIVA



**III PREMIO
LITERARIO
MANUEL-
ORESTES
RODRIGUEZ
LOPEZ**

BASES DO CERTAME

PRIMEIRA: Establécense un Premio de 50.000 pesetas para a obra que resulte seleccionada polo Xurado dentro do apartado de Poesía e outro de 50.000 pesetas para a obra que resulte seleccionada polo Xurado dentro do apartado de Narrativa.

SEGUNDA: Os relatos terán unha extensión máxima de vinte folios, sen mínimo; a obra de poesía terá unha extensión máxima de 100 versos. En ámbolos dous casos, escritos a máquina a doble espacio. Deberán ser orixinais, inéditos, non premiados en calquera outro tipo de concurso e estar escritos en galego ou en castelán.

TERCEIRA: O prazo de entrega dos relatos e da obra poética rematará o trinta de novembro de 1997. Presentaranse no Rexistro de Entrada do Concello de Paradela, por quintuplicado exemplar, sen sinatura e cun lema. Adxuntarase un sobre no que figure o devandito lema e dentro del unha cuartilla co nome, dous apelidos e teléfono do autor, cunha declaración de que o relato ou a obra poética está axustada ás normas contidas na Base segunda. No caso de participación en ámbolos dous apartados, deberase concursar en cada apartado por separado, utilizando un lema propio en cada caso e presentando a obra por separado.

CUARTA: O Xurado designado polo Excmo. Concello de Paradela emitirá o seu fallo no mes de decembro de 1996 e farase público polos medios de comunicación. O Xurado pode

deixar deserto o premio nun ou nos dous apartados e a súa decisión será inapelable.

QUINTA: As obras premiadas pasarán a ser propiedade do Excmo. Concello de Paradela, que se reserva o dereito a publicalas.

SEXTA: O autor ou autores premiados convocaranse ó acto de entrega dos premios, que terá lugar en Paradela, na data que se fixe polo Excmo. Concello.

SEPTIMA: A resolución de tódalas cuestiós que poidan xurdir ou plantexarse nesta convocatoria, é de exclusiva competencia do Excmo. Concello de Paradela e do Xurado.

Paradela, outubro de 1997.